

山中一夕話

山中一夕話卷之四

笑笑先生增訂

卓吾先生編次

哈哈道士較閱

龜梨先生傳

林金

龜梨生姓梁氏名首字美之醉鄉泥酣里人。其始祖名清居崑崙黃河源九曲瀨。生玄黃帝時爲宗廟大禮使以和洽神人功封合歡伯。玄生醴襲爵。當帝嚳及堯時累遷中獻大夫。醴生醴。

性頗醇能近世味。舜代棄爵遊民間娶廸氏。乃自九曲遷居醉鄉。生盲旨因自託於母姓號麌蘖生云生少而冲淡。舊和釀醞藉停蓄雅有醇質。及長遊磁州歷周洛鴉火之墟。遂變易初性。或醉或暴隨物變遷。善逢迎人意。人見之輒與共席握手。接口談論令人迷亂。志慮饑渴俱忘。晝夜不知休息。夏時客儀狄家。狄因薦之於禹。得廷謁拜伏始畢。遂升殿登座隅。甘言腴詞。祇

誦功德，鑿鑿可徵。禹曰：「是佞人也。利口覆邦。其
在斯乎？」迺斥絕使去，并禁民間，不得與相往來。
儀狄因以所舉非賢疏，生慨被禁錮無所容。乃
更姓米氏，名驥。字曰驥飄泊於娼樓客肆之間。
爲人充欹筆，實虛卮，取媚於酗徒淫妓，咽喉之
末無何，遇崩而禁錮解，至桀卽位，迺內交於嬖
妃妹喜，得見桀，遂大見寵任。封光祿寺上卿。提
點良醞署事，侍桀爲長夜之樂。桀竟以是亡國。

後湯建國，生聞湯勇智賢聖，不敢止。復竄身於民間，至紂時，生猶無恙，益生自始育。已服其人神，黎邵老方，故不死云。紂在東宮，聞生名及繼世，乃使人旁求之，得諸杜康家，遂與飛廉惡來輩同掌國政。然二人雖寵任，但在外朝，惟生得山入於妲己之側，因相與讒惑紂。紂日以無道，及武王誓師孟津，其告諭諸侯之詞有曰：「淫酗肆虐，益歸罪於生與妲己。」云紂亡，生遁逃遠去。

武王作誥。頑生之惡于天下。生復廢棄。至春秋時。生復以荀縗見平公。公欲用之。以杜賈之諫而止。後歷秦漢。或出或處。不甚顯名。惟成帝時。附麗趙飛燕姊弟。僅一見而成帝崩矣。自是人始知生爲姦。迨晉初。復流爲比舍郎家傭。夜期更部郎畢卓會。大相狎愛。卓遂引見竹林七賢諸君子。因結爲死友。劉伶稱之爲大人先生。作頌以媿之事。見通鑑。生大得諸君子意。諸君子

晉書卷之三
吉夜不肯全生雖居喪非生不在側阮籍輩得罪於名教亦以生西晉風俗竟爲之敗厥後五胡亂華懷愍失守議者謂生實尸之卒陷於石勒勒責之語多不載最後二句曰破敗天下非君而誰因并王衍見殺然生雖誅死而其子孫益多至今未泯絕云

外史氏曰世多言人君喪身失國及士君子殞族亡家莫不由信任小人與夫昵比淫朋惡德

以致烈禍。嗟夫。盃酌遺流。頽照皇極。糟粕餘味。
殄滅彝倫。蓋自洪荒以來。迤邐浸淵。覆轍相踵。
胡可云紀矣。古人一獻百拜。良有以也。元凶弗
恭。末流靡恭。非軀無生者。其始無天道乎。不然。
何生之甚易。而絕之甚難也。

傾國生傳

林金

傾國生者姓殊氏名麗字冶之蓋西施國人其始祖俗傳爲蛇身人首與伏羲神農並生未有族氏迤邐至傾國生其世數蓋不可考矣生事歷代君輒遇亡國之禍故人號爲傾國生云生少有異質肌態嬌婉美豔絕人稍成童遂見器賞於名公鉅卿年十八舉茂材異等桀時爲殊喜郎一意逢迎不立名節桀愛之言聽計從寢

處與俱。遂導桀以荒淫之事。及後南巢之役。桀
殞國滅。而生獨存。當湯世。生降爲僕圉。不復得
祿位。至紂立。復托散宜生以進。時文王囚於羑
里。幾見害。紂得生乃喜。由此一物足以釋西伯。
遂赦文王而出之。文王耻以生免罪。廻作然操
曰。臣早當誅。今天子聖明。蓋歸德於紂。而不欲
使人知由生出獄也。紂得生。嬖寵日隆。自謂相
見之晚。拜姐已。宮使生賦媚出羣。有巧思。凡紂

所作象箸玉杯之屬。及酒池肉林皆生疽之糾。
日昏迷不事事。惟生言是聽。武王因天下之怨
毒。乃率八百諸侯於牧野以殲紂。懸首太白之
旗。時太公望欲併誅生。生詭計以免。及武王崩。
其孫幽王立。慕生之名。求於有褒。得之用以爲
相。復相親暱如桀紂時。生性不好笑。王百端美
之。卒不笑。乃無故舉烽於驪山。若寇至之狀。徵
諸侯兵。兵至無寇。生迺大笑。王喜曰。得卿一笑。

勝獲連城之璧。生好聞裂帛聲。王每取內藏綃。手裂以悅之。太子宜臼素不平。嘗謂其傅曰。他日吾卽位。當裂生如裂帛。生聞。遂讒廢宜臼。及其母申后。申侯卒。召夫戎弑王驪山之下。而西周亡。時生已亡。去入於越王勾踐之宮矣。越王被棲於會稽。生乃進言曰。臣在越不能爲越重。在吳則越重迺爲越行成於吳。越用以免。生乃目誘夫差爲淫樂。卒爲越所吞。而重越之言。因

以爲信云。仲尼嘗曰。吾未見好德如好生者也。生嘗在衛靈公所。欲見仲尼。仲尼亦欲因而告以君子之道。乃見之。子路大以爲醜。仲尼至矢言以自明廼已。後又事漢成帝。成帝封爲越亭侯。號飛燕將軍。日說成帝以酣飲。成帝因此不壽。唐明皇卽位。聞之曰。朝見生。夕死可矣。其子壽王。璵。聞而招致之。獻諸皇。皇大喜。卽拜平章政事。六宮都提點。生遂與高力士李林甫表裏。

擅權恣作威福。時安祿山爲范陽四鎮節度使。
生因與交通。明皇自得生日。日迷謬乖亂。廢正后。
殺三子。擅棄賢相張九齡。杖死諫臣周子諒。皆
以生故。安祿山反。明皇挈生幸蜀。駆馬嵬坡下。
軍士憤怨。生導注釀亂。不肯行。先誅楊國忠。以
撼生。明皇乃令縊生於佛堂之側。下詔暴其罪。
眾乃啓行去。

外史氏曰。憂柔靡媚之態。其惑人也易。入而難

除傾國生亦人耳。而使歷代人君容悅聽信。獨
覆相尋而靡悟。苟非見理明用心剛以道自重。
以敗自懲者鮮。不甘受盡而淪胥以溺也。傾國
生實死於唐。由唐而後未嘗無傾國生也。在人
主之所辨耳。士君子毋以生之術佐人主。則天
下不患不治。毋以生之伎自汚。則身不患不康。
傾國生其賢者之鑑也已。

孔方生傳

林金

孔方生莊山人也。姓錢氏。名萬貫。字積夫。其先世銅川人。大父名璧。與其弟珠。當有虞時。用窮奇薦見舜。說舜以富國之術。舜大怒曰。是貪贓而自衒者也。遂抵璧於莊山之麓。銅之。投珠於粵海。珠因潛身入海國夷島。今其子孫獨一種未甚盛。璧旣餽於莊山。遂依土豪金氏居。金氏有女。璧通焉。生四子。曰銅。曰銀。曰錫。曰鉛。銅卽

生之父也。生以祖爲棄民，乃竊金氏之支旁改姓錢氏。云生少氣質極剛，及長學於段百鍊先生，盡消融去渣滓，其爲人外圓內方，接物行已，流通不滯。居鄉鄰能傾身濟人之乏，凡貧窮患難，不能自存者，得生與處，則無不立效。坐致富貴，其應如神。人無長幼，皆呼之爲兄。以其內方，故號爲孔方兄。云生曰：是善名我，乃去舊名，自稱爲孔方生。然生爲人雖務施亦好積，大率厭

貧求富。每見人家驟消窘。輒棄去。交游達官富人之門。以是有志者漸鄙之。居無何。以內侍火者薦於湯。爲洪爐卿。爲湯鑄幣於兆山之下。後以乾沒罪罷去。至湯末孫紂立。又用崇侯虎薦。爲鹿臺都大提舉。掊克聚斂無所不至。紂以爲能。封富國侯。食邑鹿臺三萬戶。卒致民窮盜起。及武王伐紂。籍其家貲。大賚于四海。生旣家散業亡。復流民間。爲守藏奴。至秦始皇時。又因李

斯趙高以進，勸始皇行頭會箕歛之法。秦因以
古漢武帝雅欲興利生復陰以其術授桑弘羊
東郭咸陽孔僅之徒啓武帝以利門立均輸置
平準等商車告緝法紛紛制作咸出於生及海
內虛耗謹者皆歸咎於桑孔而不知其原實生
尸之也。東漢末靈帝即位生復爲西邸令甚見
親信凡進用公卿百執事皆與之議當時仕宦
無大小内外非生莫能自達崔烈爲司徒亦因

生以進卒滅炎祚。及晉興，生復名右散騎。石崇家教崇與王愷和尚倅儕，致坐族滅。崇被收時嘆曰：「奴輩利吾孔方生耳！」收者曰：「知生爲禍，何不去之？」崇死後，曾壞作孔方論以譏之。生不爲改。自是生無所聞知者。久之，至唐德宗朝。生復用裴延齡舉爲鹽鐵都轉運使。復導德宗立瓊林大盈二庫，日夜居其中，會計饒縮，奉天之亂，益生所致焉。歷唐而宋，真宗時，與契丹會澶淵。

卷之三
宋相寇準欲用兵，生謀効準功，乃請身行講和。
遂與契丹結盟而去。自是每歲必奉使而往。卒致宋室卑弱。金人內侵，汴京失守，而生之族亦流播夷狄，不得盡歸。守原云。

外史氏曰：昔嘗先大夫。獻子有云：與其有聚斂之臣，寧有盜臣。孔方亡敗人宗國，不可勝計。或者聚斂之臣，實傳生家法者邪？君子不處貧而患不安。若生者已無道德行義，輔世長民，徒

竊天地萬民自然之利以歸諸庸君世主卒之
害胎諸人而福收諸已家族遷播流積戎狄使
華夷共罹其術今貪夫敗類奔逐未已可哀
也哉

忿戾生傳

林 金

忿戾生不知何許人亦不詳其姓字或曰胸堂人或曰丹府人世次無所於攷其爲人慄悍暴急鴟張恣睢與物多牴牾在鄉黨州里武斷獨往不能隨人低昂與時卷舒故人皆以忿戾生呼之初甚艱不肯受厥後忍顧名實相孚乃亦自稱爲忿戾生云狀羲之末天紀倣擾生依共工麾下共工與蚩尤戰不勝乃激怒共工共工

遂以頭觸不周山崩，天柱折，地維缺，得女媧煉石補天，滅共工氏。因覓生欲殛之，生乃逃去。後當戰國，在趙事廉將軍頗。時藺相如以完璧及龜池之功，位頗上。生謂人曰：「廉將軍在趙，有百戰功，相如何人？」位顧居上，因說頗辱相如。頗信之後，相如覺，以禮遜待頗，每遇必避去。頗因悔悟，遂去生。遂謝罪，相如爲深交。及秦之末，生復從八千子弟從項羽渡江入關之役。生勸羽擊

沛公。羽未卽行。沛公來謝。飲宴于鴻門。坐客甚
令項莊拔劍起舞。欲於座斫沛公。賴項伯翼蔽
事不就。當是時。倘令羽卒用生謀。沛公不免。生
因知項羽不已。諒潛歸沛公。至羽玉沛公於漢
中。生不平。說沛公曰。項王寧天下。偏王諸將以
善地。王公以險阻。盍擊之。公將從之。賴蕭何諫
止。語見漢書。當是時。倘令沛公卒聽生言。漢幾
殆。東漢光武初興。又往事。賈復復部曲殺人於

穎川寇恂誅之。生又勸復仇恂，恂以計屈復生。猶讒不已。至光武知，乃責復斥生。得解其事。李唐之末。牛僧孺、李德裕因對策分明立黨。生往來交構。互相毀譽。勢在牛則輔牛。折李維州之議。權在李則輔李。恣行報復之私。更相傾軋。垂四十年。而唐亦卒以亡國。則生實爲之。趙宋中葉。從呂闇輩。在蘇學士軾門下。時軾與程伊川先生議慶吊禮不合。生遂倡異論。鼓浮說。糾率

輕誕狂險之徒。攻劾伊川。卒令伊川東坡。各能去。有宋淳厚風俗。於茲遂衰。至孝宗朝。倚吏兵部侍郎林栗。逞其私憾。終始勸栗去朱熹。立僞學。禁錮真儒。而生揚揚有德色。後莫知所終。外史氏曰。昔孟子言能養浩然。夫浩然與生。或云同出一祖。義理之勇。譬立萬仞巖巒。泰山。大人則藐之。蓋亦未嘗不用剛也。非禮弗履。本原氣象自別。終不若生悻悻自好。務勝人譏已。

短，任意一動，死而不厭，而卒以不死。往往壞人
德性，殄族敗民，驕君妬士，負是而不反，以至於
滅亡者，不可勝計。噫！人亦何負於生，而生固負
人，若此哉。

遣麴生文

鄭坤

有一狂生得麴爲氏與母白粲僑居天水辨乎其質薰然其氣聲清若眞珠之滴琅玕色妙若琥珀之映朝陽聳黃鴨綠變態不常其爲物也雖小其禍人也甚大往古來今多罹其害吾今呼而詰之曰吾今夜對短檠鑽研陳編雖倦未甚爾忽相延俾吾神昏志耗幾負青年吾常或遊于外或陟于遐雖罷未甚爾忽相過俾吾幕

天席地幾。欲忘家。又嘗肆筵設席。陪賓待友。吾不欲爾以多尚人。爾乃因罄其所有。亂吾威儀。移吾謹厚。害吾猶可。而又害人。故迎神賽社。競渡登高。彼皆快爾之復。奈何爾與彼遭祀。風波於平地。致衆口之呶呶。至或家人父子。聚首相喜。命爾將意。爾反逞拔。少不爾防。骨肉乖戾。交遊朋友。暇日盤桓。仗爾合歡。爾反肆奸。少不爾制。義絕盟寒。匪惟今日爲然。思昔縛星卓於一

夕埋玄石於于日人主祀爾以問星酬爾以上國六逸狂誕七賢裸達牛弼射兄弘之牛諸葛遭劉章之殺皆爾之使然也而又導鳩爲虐裂人肝腸有一遭者未或不亡此其大者餘悉難言故大禹恐爾致敗遂疎儀狄衛武因爾悔過嚴示抑詩聖賢且然吾何人斯安得不與爾息交絕遊于斯時乎生於是躍然而起冁然而笑曰子可謂隱善而揚惡信小而遺大者矣吾敢

陳吾之所有。以疾子之採擇焉。昔吾一脫乎池
汙之陋。手杯之卑。卽居有可以運船之地。游有
可望十里之堤。雲雷犧象爲吾什器。金玉鸚鵡
爲吾卮也。竹葉假吾名。葡萄發吾醉。鬱金爲吾
相和。青茅爲吾筐匱所享之富貴。有如此也。趙
侯薄我而邯鄲受圍。樂巴嘆我而回祿熄怒。淵
明托我而逃。穆生爲我而去。大司成無我之祭。
難名其官。光祿卿無我之良。難建其署。繫之。

輕重有如此也。燕禮得我而君臣歡，祀禮得我而鬼神格。投壺得我以慶多能，鄉飲杖我以尊年德。合巹得我而夫婦諧，大射得我而勝負決。平爭息訟，匪我弗克。日用常行，無往不得。吾之功，又如此也。彼晉王問星桀，紂七國。玄石被埋，畢卓見縛。七賢六逸，名玷行缺。弼射弘牛，呂遭剗殺。皆由其進不知休，用不知節，反以敗我之功，是以墊人之舌。若夫導鵠爲虐，人之使然，得

失在彼已何與焉至于登高競渡賽社迎神肆筵設席奉親延賓而減禮棄法起怒生嗔由其耽嗜不止沉湎失眞皆彼自爲亦罪吾身何耶且子之劬書傲風一紀氣憊體羸得我將理子之行遠在途嗷嗷唇焦口燥得我紓勞或肩組以享先或引藥以祛病惟子所需未嘗取斂是不獨有功於世人而且有功於吾子雖以吾嘗拒於大禹然吾之命可與天地相終始禹雖

聖能終拒乎。至衛武公年九十有五，自度與吾
相見之日短，遂幡然以見拒。¹⁰設使天能反其老
而再少，亦必相好以如故。今于春秋鼎盛，植志
堅牢，且月有餘俸，宜密厥交，何負于子，遽欲見
捐。子亦少恩哉。吾一聞其所陳，卽內訟且悒悒
無足恤，惟祀爲急。人之爲人，以禮爲體，人而無
禮，胡不遄死。凡欲行禮，須生將敬，敬無所將，爲
禮之病。以是而觀，生似有不可終損者。彼身滅

國絕忘反從流皆自作孽於生何尤於是復晉
生日而今而後與爾交不必絕絕則禮缺亦不
必多多則傷和惟適可而止爾性雖狂其如我
何生再拜曰謹候命

答戒酒文

閩甌有布衣素號詩酒癖。一觴一咏窮極朝夕。
陶陶兀兀。曾不知利名之爲鞭撻。貧阨之可休戚。
客有造其廬而譏之曰。方今神聖在御。發崇
俊良子。不嗟功名未成。志願不偶。擴棄名檢。放
懷詩酒。上乏譽於鄉曲。下遺誚於朋友。名教清
議。吾不幸取。乃者廣平爲文。示戒貫穿詩書。爰
及歷代。倣智愚之得失。監國家之成敗。禍亂之

階惟酒爲賓。君侯後哲試聽大槩。命客促席。披
讀未終。歛襟兀坐。愧謝恩癡。若醯鷄之在覆。辛
夫君之發蒙。吾將剖鸚鵡之杓。碎琉璃之鍾。喚
荷鍾之伯倫。謝投轍之孟公。酒若有神。自西自
東。與子絕交。誓不汝從。客乃復坐。首問方證。或
今於側。或笑於階。揮之不去。招之不來。四座驚
佈。毛森骨堅。客懼告歸。吾固留駐。忽聞亭畔。如
少若語。若怨若恨。若有所訴。吾復怪問。汝訴何

緣與汝同處殆三十年。窮困貧阨皆汝之愆。吾
未能操戈以逐子。何以冤而有言。辭令未周。恍
若有應。子聞賓賢不聞酒聖。今子見逐。我去何
辭。我欲有請。子其聽之。昔子游學荆楚。琴劍無
光。氣色慘怛。賴我侍側。輒忘羈旅。爰自壯歲。拙
毫作文。辭慳氣索。勢若車奔。待我鼓作。思湧如
雲。至若都門帳別。易水歌罷。游子心催。行人浪
酒。悲風起於長蘋。煙樹黯於清潮。引一觴而氣

振復一杯而憂寫時子之功不在禹下獨不聞
既醉倫福見於周詩不爲酒困聞於仲尼德將
無醉酒詰之辭酣酒嗜音五子所悲商辛糟丘
畢皇酒池沉湎淫泆穢德日滋咸其自取過我
何爲廣平子掉三寸之舌駕傾河之辨毀譽賢
折蔽歟已見使君子一覽而驚再見而嘆忘我
大德思我小怨先民有言人之齊聖飲酒溫克
醉而出是謂伐德彼昏不知胡爲我責逝將

去汝適我樂國。客聞之而義服。我聽之而拱然
延之上座。永爲嘉客。

梅嘉慶傳

張玉賔

嘉慶子者。臨江梅氏。父爲東甌令。早卒。母虞善人。孀居。紡績以教子。年十二時。從四門子學。好與少年游。素集賢賓。南鄉子。生查子。江城子。皆相友焉。及長而自負甚高。號曰臨江仙。佯作快活三詩。五漢宮春。煖滿庭芳。沉醉東風戲舞狂。月上海棠。疎影動。梅花引入夢魂香。又一剪梅。開半作詩。亭前柳色盡蛾眉。玉交枝上鶯啼序。

紫苑玲瓏粉蝶兒。又月中丹桂誰先折。且醉花
陰臥片時。一唱太平天下樂。謾隨玉女步雲梯。
世人迂之。日以爲山花子之流。而子固釋然。時
沽美酒爛飲。飲帆醉扶歸。其母怒責之曰。醜奴
兒。不思步蟾宮。而學醉翁子也。子悟。挪金錢爲
誓曰。吾不能折桂。令世人稱好孩兒者。有如此
錢。遂讀書高陽臺。假植萬卉。以助書聊。然而素
憶秦娥。娥者鄰女也。年甫十五。而有麗色。子聞

而慕之。無山面也。適後庭花發。娥上小樓望之。
若翠地錦也。而獨愛山桃紅。方欲隔垣折之。覘
見處子據青玉案。被早羅袍。狀貌壯傑。音中黃
鍾。暗忖曰。真山隊子也。不覺有留連意。而子見
花枝頻動。偶一舉目。則驚疑以爲鵲精仙也。熟
玩之。方識其爲娥。乃嘆曰。美哉美哉。當令鳩兒
落也。當令月兒高也。遂潛出折一枝花以贈曰。
是玉連環也。娥嬌羞無語。而秋波轉盼。百媚俱

生適婢金菊香至戲曰姐見蝶戀花也。娥掩面疾走而子見其步步嬌因賦一辭名曰浣溪沙。粉面嬌娥點絳唇。水闌花底笑顏生。小桃紅處暗香聞。羅帶飄飄金絡索。綃鞋隱隱踏莎行。聞風趣玉樓春。抵晚思之不置又賦詩云。夜深懶去剪銀燈爲憶多嬌醉落魂。何日魚游春水底。歎歎一夕解三醒。時春日正妍。黃鸝兒轉帳矣。娥早起傍妝臺。不能自遣作畫眉序曰。舉目

園林好。凭欄懶畫眉。懷愁如夢令。魂逐駐雲飛。
一日娥告父母以踏青遊。乃令婢秋香引道。慶
子知其出也。遂步芳塵見其入一寺。問婢曰。此
間何神。婢曰。菩薩蠻大和佛也。娥卽向前暗禱
曰。妾若得與阮郎歸。當以金錢花燒贈。及出而
遇子於門。子徐曰。卿卿不思張生鶯鶯事耶。娥
佯問其婢。而意實答生曰。此不是路也。子細繹
之。嘆曰。真好姐姐也。乃悵然去。娥亦歸。而其婢

曰今日若非秋香。娥爲雙鶼鶼也。娥笑曰。誰願成雙也。然而心思暗想。鬱鬱成疾。父母揣其花心動。乃囑鄰婦齊柳娘爲擇配。娥知之。令幼婢賽紅娘者。以一封書寄子。且贈一詩曰。此身恰似孤飛鴈。獨對淒涼一盞燈。懶看畫樓秋夜月。厭聽街市賣花聲。祇因上苑迎仙客。却使幽閨憶故人。惟願勾君雙勸酒。相逢一一訴衷情。子得書甚喜。遂以賂遺柳娘而求通婚。柳娘以婚

事達其父母。父母怒曰。汝欲以吾金帛乎。金帛者，父母之財也。啄木兒也。子聞之。愀然不樂。乃作江頭送別詩。

令蒼頭滴溜子傳與娥。曰。一江風雨苦匆匆。寄
煞鴛鴦。西復東。恨入幾川撥棹子。愁埋兩岸玉
芙蓉。許多心事江兒水。萬斛相思刮地風。爲我
暗傳言玉女。詩成血泪滿江紅。娥覽詩。嗟呀不
已。時將秋闌。梁州序舉。子以試。子欲別母而行。
母曰。兒此去如浪淘沙。且恐無益也。子曰。倘一

日得賞宮花。以顯親揚名。使天下作拳順歌矣。
不可者。遂邀其友倘秀才。滾秀才。并倉頭青歌
兒。乘夜行船以往。出門見鶴踏枝。而噪聲如碧
玉簫。令十筭子號山麻客者卜之吉。乃就試。試
畢。王師二學士鮑老健。金字經。東原樂。俱賞乎
之。文評曰。氣雄如下山虎。聲弘如水龍吟。蓋字
字錦也。逐首擢予。予因馬上作詩曰。深鎖寒窗
幾度秋。而今始得錦繡頭。桂枝香惹輕羅透。錦

上花開兩鬢愁。白屋時來寶鼎現。清江引出綠
波流。當時惆悵西江月。今夜姮娥遙地遊。捷報
鄉閭鄰翁甚悔之。娥亦有怨心。因我父母自哭
佳期。令人害長相思耳。因吟一絕云。鴈過南樓
遠。驚聞瑞鷓鴣。瑤臺月移去。懊恨撲燈蛾。生謝
王師後。衣錦還鄉。鄰翁以姻事謀于豹子令。令
曰。試往言之。翁乃以錦鏹引進。欲以女奉箕帚。
子佯言曰。始棄我而今復我。翁其要孩兒乎。翁

曰焉知今日錦衣香也。子曰然姑待北朝天子而歸議之。翁詰娥聞于北上春官惻然曰恨悄郎舍我望遠行必將另娶水仙子也於是病甚而服紫蘇丸不知慶子實意難忘也。子詣京謁金門朝天子天子命爲新水令爲政稱人心邑人編排歌以頌其德自是而薦位節節高矣。一日西番齊天樂者自稱聖藥王激變遣其將番廝兒麻郎兒番鼓兒竹馬兒雪獅兒皐角兒武

忒令七兄弟者。侵擾無永令。油葫蘆谷過牧羊
關。邊將泥江龍。金瓏璁。戰俱不利。響應天長中。
都悄然。時宰相賢奏曰。梅嘉慶有韜畧。足定西
番。天子命徵至問曰。寇至柰何。對曰。水底魚兒。
臣當一網盡耳。天子喜。賜皐皮靴。鞍甲馬及劒。
器令簇御林軍萬人往。生下令曰。凡我諸軍。聞
大逆鼓則進。聞重疊鼓則退。望采旗兒爲號。乃
抑鬱牌令。統七賢過關與賊鬭。寶膽又鬪黑麻。

連勝軍威所振。如白鶴冲天復率衆暗渡霸陵
橋使福馬郎旋風子伏兵金娥曲而令破陣子
挽弓弩前破齊陣賊披靡驚愕相顧曰擬二郎
神也悉遁餘兵被我單彈打死者幾半其遁者
中途伏發降其將黃龍鎖胞郎擒十五郎縣鑽
首於槊作鷹兒舞長驅逐北若闖鵠鵠然鼙王
遁跡番兵皆光光乍矣子乃下得勝令整兵還
與諸軍會河陽軍中齊唱甘州歌焉子亦作曉

行序有霜天曉角響。

一玉歸朝歡鴈過沙溝地。

臘梅花影寒之句。

時道經臨江子歸拜母乃穿

大紅袍。

繫繡帶兒駐馬廳前。

娥聞之曰。

玉郎

贊

好事近也。翁復求聯姻。予以告其母。母命娶之。

生甚喜。

遂備鴻魚錦三段子四塊玉及山坡羊。

梅花酒聘焉。

娥因歸子同會銷金帳。子欲其脫

布衫。娥曰。

君母綿搭絮也。子曰。卿卿今尚可鎖

南枝不放花乎。強逼之而戲曰。

金井水紅花放

矣。娥曰：「陛下不惜奴嬌也，相與溫存萬狀。早起
稱上京馬載娥同行，至京暮夜遊朝。玉漏遲遲，
及曉進見天子。拜舞殿前，歡甚。百官共賀太平。
天子樂令設宴，珍羞錯集。如大河蟹、白鶴子者，
咸備焉。復奏大聖藥以憇勞之。仍賜一斛珠。縷
綬金五樣錦。天淨紗質，餐甚厚。聞其已娶，乃復
賜紅衲襪女冠子。使之從御街行以出。」夕娥
謂子曰：「人生若雨中花，寄生草耳。君雖富貴，不

如漁家傲也。且堂上有老姑，不免缺供養。君不聞烏夜啼有反哺意耶？子乃屢疏乞歸。天子不得已許之。賜宮女吳織機。醉娘兒似娘兒。梨花兒爲婢。命翰林風流子。唐多令草誥辭以封之。曰：始守新水行太平。令繼收江南。卒定西番四邊。靜然皆卿之力。冊封太師引。授封國夫人。又贈封其父母如子官。子受封歸時夏初脤。子途中作蝦慕序。又作獅子序。大抵言其碌碌無異。

一振棹也及歸爲母上壽。聞宴後庭花，娥曰：不圖今日有此相見歡也。遂傾杯序舊情因廢相作歌子云：當年一盆花際立，淒涼只有侯山月。憶君顏色勝如花，教人當對榴花泣。愁雲偏送風入松，怨雨灑向梧桐葉。今朝何幸朱履回泣顛，回轉歡聲集。紫燕歸梁相對語，雙雙蝴蝶常徘徊。章臺柳，塞西地。錦妝庭，嬌似小蓬萊。但願千秋歲無限，歡驪時把玉山頰。娥云落梅風裡。

馬玉郎繡毬怕滾東家牆。相思琵琶撥不盡。春
堂春色空悲傷。燒夜香時心欲裂。五更轉轉頑。
愁腸今宵相與慶宣和。菊花新處秋風過石竹。
花開並頭葦。錦堂川下同婆娑。洞仙歌出雙聲。
子香羅帶結。準情多。與君占盡普天樂。何須重
唱朝元歌。母初不知其情。及聽其辭。笑謂娥曰。
吾子以汝貌賽觀音。常欲作探春令。以吾思之。
若非江頭金桂發。安能沉醉海棠紅也。復笑謂

子曰。吾兒今縱醉歸遲。吾不爾責矣。而今而後。
子與我兩休休焉。不爲爵祿名位所絆也。三臺
令胡搗練聞之。亦作歌以贈曰。君家想是江神
子。逍遙樂在閒庭裡。辭印歸來醉太平。爲惜黃
花怕無主。立朝列位鬼三台。還家歛飲絡索盃。
芳名已標鳳皇閣。清風應振古輪臺。後慶子作
本序。卽以前腔爲尾聲。君子曰。嘉慶子豈不毅
然一丈夫哉。感皇恩則思報君。賀聖朝則願歸

養不以貴忘娥。非薄待也。必以禮娶娥。非苟合也。其立身。其行已。可謂端正好矣。豈與首月憶鶯兒者一樣腔調。余故筆之。以成餘文。

遺精復度招情

謀野浪客

招狀婦李氏。年三十五歲。直隸應天府上元縣民。婦招正德五年三月十九日。有夫錢臣。前往母舅張廉飲酒。更深醉臥。見氏針指守候。不合乘其酒興。遂摶抱推倚床沿。百般調戲。恣意淫樂。比有小姑錢氏。因與氏臥房間壁。聞氏與夫淫聲交雜。不合。剝開壁洞。窺氏與夫交合情狀。想已動心。次早天明。氏夫早出。姑即前來。含笑。

對氏說稱你與哥哥昨夜扭在牀上許久作何
事。氏又不合明說。答你哥醉酣乘興已怒迷心與
氏頑耍一場。今早到上元縣公事前去姑又不
合含笑忍恥。稱說你兩人交合形狀我皆看見。
可照樣與我一做便了。不然我要說知與人氏
又不合聽從隨將小姑抱向臥床各脫裙褲。挽
起雙足效作交歡之狀以致兩陰相合。美假成
真是氏淫情興動。將夫所遺元精流人小姑陰

戶歡樂一番各散不料以後小姑頓覺精神變
異經閉腹高遂成胎孕當被伊翁凌銑告府批
行本縣案下拘氏與夫姑到官審問前情明白。
是氏與姑不能隱蔽前情致生事端姑遂成孕。
蒙臺疑有私通虛証當拘穩婆沈氏驗看小姑
陰戶委實未曾破身果是遺精復度猶恐未的。
又拘江寧縣穩婆姚氏覆驗無異所招是實。
議得李氏錢臣錢氏等所犯俱依不應得爲

而爲之事，合依律的決杖八十。大誥減等。各杖七十。審各有力照例取贖錢。錢氏仍候所孕輕身給與錢。臣收養照舊配與凌銑次男爲妻。兩家毋得復生異議。卷照。

醒迷論

一衲道人

夫人常情非愛財。卽愛身也。非畏法。卽畏理也。非慮前。卽慮後也。非好名。卽好勝也。人之於財。或以毫厘而貿易無成。或以分文而僥僗笞楚。或以假借而朋友分袂。或以不均而兄弟搆訟。至於淫色。則傾囊橐。破家資。而欣然爲之。甚則同餓莩。胥盜賊。而終身不悟也。謂之何哉。人之於身。或以降焉。而畏騎。或以危船。而勒渡。或刺。

皮膚而怒不可當。或小有疾病而戚然恐不可起。至於淫色則耗元氣。喪元精而怡然安之甚。則染惡疥。耽弱病而甘心不悔也。謂之何哉。且無祿者犯姦有罰。職役者宿妓有禁。法之可畏也明矣。今之人縊死於舊院。刺死於南樓。爲嫁賈而經官間革。緣淫奔而出醜遭刑。大以吾一身。仰有父母。俯有妻子。其所當顧慮者甚多。而乃以女色。恠法。不亦可羞之甚耶。色荒之訓書。

有之。冶容之誨。易有之。理之當鑒也。明矣。顧乃正氣喪於淫邪。名節墮於妖媚。雖有豪才。不足取也。今之死戰鬪者。以勇名。死諫諍者。以直名。而死于色者。名之曰敗家子。稍有好名之心。當有擇而不爲。稍有好勝之念。當有憚而知改矣。或以子美之四娘。安后之雲月。東坡之琴操。陶穀之弱蘭。爲四公之樂。而不知此乃四公之累也。或以爲相如之竊玉。韓壽之偷香。張敞之畫

肩沈約之瘦腰爲園公之豪而不知此乃园公之失也而俚言所謂腰間劍與色不迷人者是又一恒人能曉之也詳讀孔子世家見柳下惠坐懷不亂齊公子閉戶不納之事讀江夏野史見鴻臚商娶妾遭歸生子狀元及第之報則知不淫女色非獨處身也愛德也而財不足言矣非獨畏理也畏天也而法不足言矣非獨應後也慮見神也而目前又不足言矣非獨好名也好

積善也。而好勝，又不足言矣。如此則楚館秦樓，
非樂地；階笄之淵藪乎？歌姬舞女，非樂人；破家
之鬼魅乎？顛轡倒鳳，非樂事；妖媚之狐狸乎？誠
者以爲何如。

辭美人賦

司馬相如美麗閑都遊於梁王。梁王悅之。鄒陽
謂之于王曰。相如美則美矣。然服色容冶。妖麗
不忠。將欲媚詞取悅於王後宮。王不察之乎。王
問相如曰。子好色乎。相如曰。臣不好色也。王曰。
何如孔墨。相如曰。古之避色。孔墨之徒。聞齊饋
女而遐逝。望朝歌而迴視。譬於焚柴火中。此乃
朱兒其可欲。何以明不好色乎。若臣者。少長西

七鯨處獨居。室宇遼廓。莫與爲娛。臣之東鄰有一女子。雲髮豐艷。蛾眉皓齒。顏盛色茂。紫耀光
起。恒翹翹而西顧。欲留臣而共止。登垣而望臣。
三年有終矣。臣東而不許。羈慕大王之高義。命
駕東來。途由鄭衛。道由桑中。朝發滻洛。暮宿上
宮。上官閒館。寂寞重虛。門閭晝掩。腹若神居。臣
排其戶。而造其堂。芳香芬烈。黼帳高張。有女獨
居。宛然在床。奇葩逸麗。淑質艷光。觀臣遷延微

笑而言曰。上客何國之公子。所從來無乃遠乎。
遂設旨酒。進鳴琴。臣遂撫絃。爲幽蘭白雪之曲。
女乃歌曰。獨處室兮廓無依。思佳人兮情傷悲。
有美人兮來何遲。日旣暮兮華色衰。敢托身兮
長自私。玉釵挂臣冠。羅袖拂臣衣。時日西夕。玄
陰晦冥。流風慘冽。素雪飄零。門房寂謐。不聞人
聲。於是寢具旣設。服玩珍奇。金鉢蕙香。繡帳低
垂。裯褥重陳。角枕橫施。女乃弛其上服。表其喪。

衣冠體呈盤弱骨豐肌時來親臣。柔滑如脂臣方氣服於內身正於外信誓旦旦秉志不回翻然而舉與彼長辭。

慕富聯姻詞

悟凡生

竊聞人各有偶物從其類以婚姻人道之始。伉儷家政之基。豈可使寂寥一揆。涇渭混源哉。此鄭忽之拒齊。不疑之辭霍。真有以也。故秦晉國匹。燕郤族均。王謝閭等。潘楊世睦。本其門素。既爾齊同。稽厥風猷。復無虧替。又其子弟雅醇。可乘克禪。則施衿命往。結緝言歸。百兩是將。箕箒獲所。于是甥舅騰冰玉之譽。鵲筮告鳳占之吉。

風人詠其好求。宗室饗爲具美。斯天作之純休。
人倫之卑鬯矣。其或今跡雖微。先鬼則大。弑支
云旁。神德在稱。爲鴛言歸女。蕙屬振微。仁不遐
遺。民歸其厚。猶長者之用心。猶偷之高舉也。又
或席門之眷。羣牖之賓。而微無朋。舊彥缺錄。而
豹姿突變。駢角旋生。無待能興。誇塗拔起。則知
昌願托冀。庇望諸。譬諸食果。界株棄牛。收豕。徼
福于將來。達眾情而締納。此婚姻之變例。明賢

之逆覩也。至若椎埋羌類，闖闘良童，不齒齊民。

世濟惡德，以逮馬驥。夏之子，給喪爾保之兒。

亡命負辜之徒，導驅之師，夏之師，蓬除戚施之狀。

俯仰無能，侏儒介取之稱，孝慈貳改，儻渝於夫

豕。比德于伶優，一日以乾沒而致多金，借苟營

以騰高貲，心志驟侈，不足非財，自醜卑流，仰扳

華胄，推潤屋之餘脂，希霄燭之末照，於是膿胞

啖其門客，貨賄誘其私親，遊說之言日至，盜遇

之譽不衰。遂至寡廉鮮恥。明目腆顏。唯利是求。族類罔計。象齒竟謀。鳳毛安惜。是故青女猶之居貨。行媒同於貿易。忍使化源釀爲買道。于是珪璧金珠。爛充簪珥。永紈靄縠。局貯筐箱。雖位在九列。族右一方。多議潤視之人。喜譏善誚之士。莫不一見解頤。弱息請往。遂使纓冕漱胃。錯入駢儈之匹。河鯉齊姜。耳渢鳴盜之裔。生爲合巹之人。若牛驥共槽而食。死作同穴之鬼。則薰

猶並器而藏。高門遂廟降。芳草由之化肅矣。
士人贊行。孰此爲大哉。僕嘗懷此而未有陳也。
近見郡中婚媾多托媒于足下者。故敢布此幸。
子較品審流別。門分類。苟非異等。務遵常運。則
使禮門頓開。利竇也。

細腰歌

蘇州富商夜夢羣男子。細腰白質。辭曰。我輩將投揚州有福者。明日查庫中失銀二千錠。又一夕夢其還云。遍覓無如公者。願終伏事。驗其銀復在余。因作細腰歌曰。諗爾細腰羣男兒。燭光雪映真魂奇。豐之世稱陶石客。約之壯士無顏色。排紫撻今入金門。淹可拔今寒可溫。君不見玉顏金谷豪無比。厚積細腰而已矣。又不見鶴

卷之二十一
宋玉
木有結飄蒙塵、細腰躡蹀淡交情。多君雖云成
怨府、墮石莫補良亦苦。吾家亦有山上葱，廬筭
不動羽林封。亮天匪贈埋兒巨，何事別我維揚
去。俄云脩福莫如公，翻翩旋復仍相從。候往倏
來誰是主，不憚煩今如焚。許如今珍重君不墮
願君與我相知心。

禮貧賦

仲夏吉日。攬貧登堂。拜而致言曰。玄哉。爾貧。虛
妙曷測。善蔽弗彰。是爲天德。寧而不有。施而不
積。蕩乎難名。熙相萬物。昔毗堯舜。投金抵璧。覆
夷猶染。仁覆蒼億。勵說操版。更望秉畿。舉弼作
師。皆汝之力。大任將與。勞震筋骨。迨我仲尼。要
久肝膈。曲肱奏枕。蔬水奏食。偶旅陳蔡。琴歌共
擇。兼友淵參。原憲歡密。簞瓢在脣。饑餓屏迹。龍

行逾高鵠揚靡忒。主亭者何織葦者勃。寄養牧
豕。折草釣澤翁爾顯眉侯王竹帛。由是觀之。得
汝者成名失汝者穢。恩上建神哲下起勲績處。
以脩躬蓬蒿潔日月以佐采貞素表職生而恬
康樂天自得。沒而無疚奕代軼式遺安孫子。錫
慶綿蕡自爾之來爲道增益氣凌青雲心對皓
日聖途倘徉王徑板飾翠細蠅蟻噓砂貨殖山
脈。謂愚于馴跡。沒樽輒令妻考槃淑息。萊子見

遊襄公樂集却謝車馬孤抗泉石國無如人鄉
靡怨客門可雀羅逍遙適脩夜常寧安東鮮
暢出無留顧入靡紛迫偃仰探經肆精奧極與
爾婵嫋豈敢疎逃樂只君子頌汝朝夕於是貧
聞而喜色乃告予曰吾與子居曠久習便吾有
胸臆未與子言我貧與富皆命自天天有二役
授予不愆富畀小人貧歸大賢貧者福之富者
禍焉惄淫僉墨乃與周旋盜跖利口惡戾張宣

凡百謂之鮮不復賴智者使長方者使圓。變弛
而成周起貴權弑父與君難此致然當尊嘉德
迷夫孔憐凡今之人惟金與錢子既知我我敢
舍施願同終始事休萬年

送窮祭文

維某年某月陳石亭居士謹具酒殽船隻致祭於洪崖先生之神於道之左而告曰嗚呼神乎爾形可哀爾勢可侮爾情可矜爾名可茹士遭爾而陸沉農遭爾而饑苦工遭爾而鈍遲商遭爾而耗蠹厄孔聖於絕糧蹙項羽於夜渡逐賈誼於長沙寄淮陰於漂母薄季子於親兄割買臣於愛婦介蒙正於破窑餓東坡於塵釜悲溫

氏於梁絲哭阮籍於迷路。煥自里之屢屢空立
嘗之前戶。抑心思於無往。抱語言於無訴。却名
姓於無因。袖經綸於無用。而貌戚以無情。薄朋
友於無故。不永而人自寒。不惡而人自惡。來君子。
之知憐。叢小人之談吐。凡此皆角使然大抵
聖賢氣數。嗚呼。錦口繡心。衰門薄戶。鳳翼鷄栖。
騶蹄驢步。我於爾竟何爲。爾於我誠無負。慨歲
月之因循。感情意之堅固。柰久住以懨人。冀維

新而化腐醉爾以酒飽爾以脯洗足上船途遙
日暮任燕壁與秦關。蛇龜回而蛇顧尚享